

佛说八师经

吴月支国优婆塞支谦译



南無本師釋迦牟尼佛


说明

根据《乾隆大藏经》小乘单译经，第 0706 部，吴月支国优婆塞支谦译《佛说八师经》原藏影印本校对。句读仅作参考。

本电子书是免费结缘品。特此说明。

仁慧草堂

二〇二〇年十月



扫码关注仁慧草堂微信公众号

● 起诵仪

诵经警文

1. 未诵前。漱口澡手。当净三业。若三业无亏。则百福俱集。三业者。身口意也。端身正坐。如对圣容。则身业净也。口无杂言。断诸嬉笑。则口业净也。意不散乱。屏息万缘。则意业净也。

2. 未诵前。已诵后。俱要对圣像前合掌三礼。如无佛像。对经对空礼拜亦可。

香赞

(一遍)

炉香乍爇。法界蒙薰。诸佛海会悉遥闻。随处结祥云。诚意方殷。诸佛现全身。

南無香云盖菩萨摩诃萨 (合掌三称)

南無本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说八师经

吴月支国优婆塞支谦译¹

闻如是：

一时，佛在舍卫国祇树给孤独园。

时有梵志，名曰耶旬²，来诣佛所。

阿难白佛言：“有异学梵志今来在外，欲资³所疑。”

天尊曰：“现之。”

梵志乃进，稽首佛足。

天尊曰：“就座。”

梵志就座，须臾退坐曰：“吾闻佛道厥义弘深，汪洋无涯，靡不成就，无⁴不度生，巍巍堂堂，犹星中月，神智妙达，众圣中王，诸天所不及⁵，黎民所不闻。愿开盲冥，释其愚痴。所事何师，以致斯尊？”

天尊曰⁶：“快哉斯问！开发大行。吾前世师，

¹ 丽本：吴月支国居士支谦译；永乐北藏本及龙藏本：吴月支国优婆塞支谦译

² 丽本：旬；永乐北藏本及龙藏本：旬

³ 丽本：咨；永乐北藏本及龙藏本：资

⁴ 丽本：靡；永乐北藏本及龙藏本：无

⁵ 丽本：逮；永乐北藏本及龙藏本：及

⁶ 丽本：叹曰；永乐北藏本及龙藏本：曰

其名难数。吾今自然神曜⁷得道，非有师也。然有八师，从明得之。”

佛言：“一谓凶暴，残杀物命。或为怨家所见刑⁸戮；或为王法所见诛治，灭及门族。死入地狱，烧煮擄掠，万毒皆更，求死不得。罪竟乃出，或为饿鬼，或为畜生，屠割剥裂。死辄更生⁹，魂神展转，更相残贼。吾见杀者，其罪如此，不敢复杀。是吾一师。”

佛时颂曰：

杀者心不仁	强弱相残伤 ¹⁰
杀生当过生	结积累劫怨
受罪短命死	惊怛 ¹¹ 遭暴患
吾用畏是故	慈行 ¹² 伏魔宫

佛言：“二谓盗窃，强劫人财。或为财主刀杖加刑，应时瓦解；或为王法收系著狱，考¹³掠擄笞，五毒并至，戮之都市，门族¹⁴灰灭。死入地狱，以手捧火，洋铜沃口，求死不得。罪竟乃出，当为饿鬼，意欲饮水，水化为脓，所欲食物，

⁷ 丽本：耀；永乐北藏本及龙藏本：曜

⁸ 丽本：刑；永乐北藏本及龙藏本：佛言：“一谓凶暴，残杀物命。或为怨家所见刑

⁹ 丽本：刃；永乐北藏本及龙藏本：生

¹⁰ 丽本：伤残；永乐北藏本及龙藏本：残伤

¹¹ 丽本：怖；永乐北藏本及龙藏本：怛

¹² 丽本：心；永乐北藏本及龙藏本：行

¹³ 丽本：拷；永乐北藏本及龙藏本：考

¹⁴ 丽本：宗门；永乐北藏本及龙藏本：门族

物化成炭，身常负重，众恼自随；或为畜生，死辄更刃，以肉供人，偿其宿债。吾见盗者，其罪如此，不敢复盗。是吾二师。”

佛时颂曰：

盗者不与取 劫窃人财宝
亡者无多少 忿恚愁毒¹⁵恼
死受六畜形¹⁶ 偿其宿债负
吾用畏是故 弃国施财宝¹⁷

佛言：“三谓邪淫，犯人妇女。或为夫主、边人所知，临时得殃，刀杖加刑，首体分离，祸及门族¹⁸；或为王法收捕¹⁹著狱，酷毒掠治，身自当辜²⁰。死入地狱，卧之铁床；或抱铜柱，狱鬼然火，以烧其身。地狱罪毕，当更畜生。若后²¹为人，闺门淫乱，违佛远法，不亲贤众，常怀恐怖，多危少安。吾见是故，不敢邪淫。是吾三师。”

佛时颂曰：

淫为不净行 迷惑失生²²道
形销魂魄离²³ 伤命而早夭

¹⁵ 丽本：怀忧；永乐北藏本及龙藏本：愁毒

¹⁶ 丽本：身；永乐北藏本及龙藏本：形

¹⁷ 丽本：家行学道；永乐北藏本及龙藏本：国施财宝

¹⁸ 丽本：刑；永乐北藏本及龙藏本：刑，首体分离，祸及门族

¹⁹ 丽本：系；永乐北藏本及龙藏本：捕

²⁰ 丽本：戮之都市；永乐北藏本及龙藏本：身自当辜

²¹ 丽本：复；永乐北藏本及龙藏本：后

²² 丽本：正；永乐北藏本及龙藏本：生

²³ 丽本：精神魂魄驰；永乐北藏本及龙藏本：形销魂魄

受罪顽痴荒 死复堕恶道

吾用畏是故 弃家乐山²⁴藪

佛言：“四谓两舌、恶口²⁵、妄言、绮语。潜入无罪，毁谤²⁶三尊，舌致捶杖，亦致灭门。死入地狱，狱中鬼神拔出其舌以牛犁之；洋铜灌口，求死不得。罪毕乃出，当为畜生，常²⁷食草棘。若后为人，言不见信，口中恒臭，多被诽²⁸谤骂詈之声，卧辄恶梦，有口不²⁹得含佛经之至味。吾见是故，不敢恶口。是吾四师。”

佛时颂曰：

欺者犯³⁰四过 谗佞伤贞贤³¹

受罪痴聋盲 蹇吃口臭腥

瘖症³²不能言 死入拔舌犁³³

吾修四净口 自致八音声

佛言：“五谓嗜酒。酒为毒气，主成众³⁴恶：王道毁，仁泽灭，臣慢上，不忠不敬³⁵，于父礼

²⁴ 丽本：林；永乐北藏本及龙藏本：山

²⁵ 丽本：恶口、两舌；永乐北藏本及龙藏本：两舌、恶口

²⁶ 丽本：谤毁；永乐北藏本及龙藏本：毁谤

²⁷ 丽本：恒；永乐北藏本及龙藏本：常

²⁸ 丽本：逢谮；永乐北藏本及龙藏本：被诽

²⁹ 丽本：不能；永乐北藏本及龙藏本：不

³⁰ 丽本：有；永乐北藏本及龙藏本：犯

³¹ 丽本：良贞；永乐北藏本及龙藏本：贞贤

³² 丽本：痴狂；永乐北藏本及龙藏本：瘖症

³³ 丽本：图；永乐北藏本及龙藏本：犁

³⁴ 丽本：诸；永乐北藏本及龙藏本：

³⁵ 丽本：忠敬朽；永乐北藏本及龙藏本：不忠不敬

亡³⁶，母失慈，子凶勃³⁷，孝道败，夫失信，妇奢淫，九族诤，财产耗。危国亡身³⁸，无不由酒³⁹。酒之乱道，三十有六。吾见是故，不敢饮酒⁴⁰。是吾五师。”

佛时颂曰：

醉者为不孝 怨祸从内生
迷惑清高士 乱德败淑真⁴¹
故吾⁴²不饮酒 慈心济群生
净慧度八难 自致觉道成

佛言：“六谓年老。夫老之为苦，头白齿落，目视茫茫⁴³，耳听不聪，盛去衰至，皮缓面皱，百节痛疼，行步苦极，坐起呻吟，忧悲心恼⁴⁴，识神转灭，便旋即亡⁴⁵，命日促尽，言之流涕。吾见无常，灾变如斯，故行求道，不欲更之。是吾六师。”

佛时颂曰：

吾念世无常 人生要当老

³⁶ 丽本：父失礼；永乐北藏本及龙藏本：于父礼亡

³⁷ 丽本：逆；永乐北藏本及龙藏本：勃

³⁸ 丽本：亡国危；永乐北藏本及龙藏本：危国亡

³⁹ 丽本：之；永乐北藏本及龙藏本：酒

⁴⁰ 丽本：绝酒不饮；永乐北藏本及龙藏本：不敢饮酒

⁴¹ 丽本：贞；永乐北藏本及龙藏本：真

⁴² 丽本：吾故；永乐北藏本及龙藏本：故吾

⁴³ 丽本：眈眈；永乐北藏本及龙藏本：茫茫

⁴⁴ 丽本：恼苦；永乐北藏本及龙藏本：心恼

⁴⁵ 丽本：忘；永乐北藏本及龙藏本：亡

盛去日衰羸 形枯而白首
忧劳百病生 坐起愁痛恼
吾用畏是故 弃国行求⁴⁶道

佛言：“七谓病瘦。肉尽骨立，百节皆痛，犹被杖楚，四大进退，手足不随⁴⁷，气力虚竭，坐卧须人，口燥唇焦，筋断鼻炆⁴⁸，目不见色，耳不闻音，不净流出，身卧其上，心怀苦恼，言辄悲哀。今睹世人年盛力壮，华色晬晬，福尽罪至，无常百变。吾睹斯患，故行求道，不欲更之。是吾七师。”

佛时颂曰：

念人衰老时 百病同时生
水销⁴⁹而火灭 刀风解其形
骨离筋脉断⁵⁰ 大命要当倾
吾用畏是故 求道愿不生

佛言：“八谓人死。四百四病同时俱作，四大欲散，魂神不安，风去气⁵¹绝，火灭身冷，风先火次，魂灵去矣，身体佺⁵²直，无所复知；旬

⁴⁶ 丽本：家行学；永乐北藏本及龙藏本：国行求

⁴⁷ 丽本：任；永乐北藏本及龙藏本：随

⁴⁸ 丽本：圻；永乐北藏本及龙藏本：炆

⁴⁹ 丽本：消；永乐北藏本及龙藏本：销

⁵⁰ 丽本：绝；永乐北藏本及龙藏本：断

⁵¹ 丽本：息；永乐北藏本及龙藏本：气

⁵² 丽本：挺；永乐北藏本及龙藏本：佺

日之间肉坏血流，**胖脓⁵³**烂臭，无一可取；身中有虫，还食其肉；筋脉烂尽，骨节解散，髑髅异处，脊、胁、肩、臂、脘、胫、足、指各自异处；飞鸟走兽竞来食之。天、龙、鬼神、帝王、人民、贫富、贵贱无免**斯⁵⁴**患。吾见斯变，故行求道，不欲更之。是吾八师。”

佛时颂曰：

惟念⁵⁵老病死 三界之大患
福尽而命终 弃之⁵⁶于黄泉
身烂还为土 魂魄随因缘
吾用畏是故 学道升泥洹

于是梵志闻佛所说，心开意解，即得道迹，**长⁵⁷**受五戒，为清信士，不杀，不盗，不淫，不欺，奉孝，不醉。为佛作礼，**欢⁵⁸**喜而去。

佛说八师经

⁵³ 丽本：臃胀；永乐北藏本及龙藏本：胖脓

⁵⁴ 丽本：此；永乐北藏本及龙藏本：斯

⁵⁵ 丽本：我惟；永乐北藏本及龙藏本：惟念

⁵⁶ 丽本：气绝；永乐北藏本及龙藏本：弃之

⁵⁷ 丽本：前；永乐北藏本及龙藏本：

⁵⁸ 丽本：欢；永乐北藏本及龙藏本：为佛作礼，欢

● 结诵仪

补阙真言

(三遍)

南無喝啰怛那. 哆啰夜耶. 佉啰佉啰. 俱住俱住.
摩啰摩啰. 虎啰. 吽. 贺贺. 苏怛拏. 吽. 泼抹拏. 娑
婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵^一娑摩啰^二娑摩啰^三弥摩曩^四萨哈^{呼马切}啰^五摩诃咱^{爻上声}
哈啰吽^六

拔一切业障根本得生净土陀罗尼

(三遍)

南無阿弥多婆夜。哆他伽路夜。哆地夜他。
阿弥唎。都婆毗。阿弥唎哆。悉耽婆毗。阿弥唎
哆。毗迦兰帝。阿弥唎哆。毗迦兰哆。伽弥膩。
伽伽那。枳多迦隶。娑婆诃。

(不思議神力傳云。若欲受持咒法。嚼楊枝。澡豆。漱口。然香。于佛像前胡跪合掌。日夜六時。各誦三七遍。即滅四重。五逆。十惡。謗方等罪。悉得滅除。現世所求皆得。不為惡鬼神所惑亂。若數滿二十萬遍。即感得菩提牙生。若至三十萬遍。即面見阿彌陀佛。拔一切業障根本得生淨土神咒云。若有善男子善女人能誦此咒者。阿彌陀佛常住其頂日夜擁護。無令怨家而得其便。現世常得安隱。臨命終時。任運往生。)

赞佛偈

(一遍)

阿弥陀佛身金色 相好光明无等伦
白毫宛转五须弥 绀目澄清四大海
光中化佛无数亿 化菩萨众亦无边
四十八愿度众生 九品咸令登彼岸

南無西方极乐世界大慈大悲阿弥陀佛 一称

南無阿弥陀佛 千称或数百称

阿弥陀佛 千称或数百称

南無观世音菩萨 三称三拜

南無大势至菩萨 三称三拜

南無清净大海众菩萨 三称三拜

慈云忏主净土文

(一遍)

一心皈命。极乐世界。阿弥陀佛。愿以净光照我。慈誓摄我。我今正念。称如来名。为菩提道。求生净土。佛昔本誓。若有众生。欲生我国。至心信乐。乃至十念。若不生者。不取正觉。以此念佛因缘。得入如来大誓海中。承佛慈力。众罪消灭。善根增长。若临命终。自知时至。身无病苦。心不贪恋。意不颠倒。如入禅定。佛及圣众。手执金台来迎接我。于一念顷。生极乐国。华开见佛。即闻佛乘。顿开佛慧。广渡众生。满菩提愿。

十方三世一切佛。一切菩萨摩訶萨。摩訶般若波罗蜜。

回向偈

(一遍)

愿生西方净土中 九品莲华为父母
华开见佛悟无生 不退菩萨为伴侣

三皈依

(一遍)

自皈依佛，当愿众生，体解大道，发无上心。
自皈依法，当愿众生，深入经藏，智慧如海。
自皈依僧，当愿众生，统理大众，一切无碍。和南
圣众。

(净土文及回向偈当对佛跪念，念毕，起身三礼而退。)

南无护法韦驮尊天菩萨



此咒置经书中可灭误跨之罪